



ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 69 (11.630)

Баҳоси эркин нархда

Иқтисодиёт

ИМКОНИАТЛАР САМАРАСИ

Бугунги кунда кичик ва хусусий бизнес соҳасида ишлаб чиқаришни ривожлантириш, маҳсулот ва хизматлар рақобатбардошлигини ошириш, бу борада ишчи-хизматчиларни моддий рағбатлантириш муваффақиятлар омили бўлмоқда.

2006 йилдан буён фаолият кўрсатган «Potolok-stroy-servis» хусусий корхонаси шундай жамоалар сирасига киради. Тўрт нафар ходим билан иш бошлаган жамоада ҳозирда 14 нафар малакали мутахассис томонидан маҳаллийлаштириш дастури асосида гипсдан 20 хил турдаги шифтга мўлжалланган плиталар ишлаб чиқарилмоқда.

— Мамлакатимизда кичик корхоналар ва хусусий бизнес субъектларини ривожлантиришга катта эътибор қаратилмоқда, — дейди корхона директори Шавкат Исмаилов. — Баркамол авлод йилида ёшларга қўшимча иш ўринлари яратиш мақсадида замонавий технологиялар жорий этган ҳолда ишлаб чиқаришни кенгайтиришни мақсад қилганмиз. Айти пайтда ушбу лойиҳа устида корхонада кизгин иш бормоқда.

Бунёдкорликда қўлланиладиган плиталар бугунги кунда мижозлар талаб-эҳтиёжларидан келиб чиққан

ҳолда турли ҳажмларда ишлаб чиқарилмоқда. Бунда юксак унумли технологик линиялар ўз самарасини бермоқда. Маҳаллий хом ашёдан фойдаланиб, илгор технологиялар асосида тайёрланаётган қурилиш ашёлари импорт ўрнини босиши баробарида, четдан келтириладиган худди шундай маҳсулотлардан бирмунча арзонлиги билан афзалдир.

Корхона жамоаси доимий изланишда бўлиб, ички бозорни чуқур ўрганиш, замон билан ҳамнафас қадам ташлашга интилоқда. Асосий эътибор маҳсулот сифати-га қаратилаётгани, ўз навбатида, буюртмачиларнинг кўпайишига асос бўлмоқда. Ҳозирда нафақат ички бозорда маҳсулот хариддорлигини таъминлаш, балки «Ўзбекистонда ишлаб чиқарилган» ёрлиги билан экспорт қилиш ҳам корхонанинг асосий вазифасига айланган.

ПОЙТАХТНИНГ БИР КУНИ



Шуни алоҳида таъкидлаш жоизки, корхонада тайёрланаётган плиталар чидамли бўлиши билан бирга, қисмларга ажратилиши билан буюртмачиларни жалб этмоқда. Йилдан йилга маҳсулот дизайни мукамаллаштирилиб, турлари ортиб бормоқда. Шунингдек, бу ерда этикеткалар учун сифатли елим ишлаб чиқариш ҳам ўзлаштирилди.

Корхонада истеъмолчиларга сифатли, бугунги кун талабига монанд

қурилиш маҳсулотларини етказиб бериш асосий мақсад қилиб белгиланган экан, бунга эришиш учун барча яратилган имкониятлардан унумли фойдаланишга ҳаракат қилинаётган.

Мухаббат ҲАБИБУЛЛАЕВА СУРАТДА: корхонада малакали мутахассислар меҳнат қилишади.

Ҳақимжон Солиҳов олган сурат

Олий Мажлис Қонунчилик палатаси Ахборот ва коммуникация технологиялари масалалари қўмитаси томонидан ташкил этилган тадбирда мазкур палата депутатлари, Марказий банк, тижорат банклари ва ахборот технологиялари соҳаси вакиллари, мутахассислар ҳамда оммавий ахборот воситалари ходимлари иштирок этди.

Ахборот ва коммуникация технологиялари масалалари қўмитаси раиси А.Жўрабоев бошқарган анжуманда банк хизматининг янги турларини жорий этиш, аҳоли ва хўжалик субъектларининг бўш маблағларини банкларнинг депозитларига жалб қилишни кўпайтириш, мамлакат иқтисодиётига киритилган узоқ муддатли кредит қўйилмалари улушини ички манбалар ҳисобидан ошириш учун мустаҳкам асос яратиш ус-

Тошкентда замонавий ахборот технологиялари асосида янги банк хизматларини жорий этишнинг ҳуқуқий механизmlарини такомиллаштириш масалаларига бағишланган семинар бўлиб ўтди.

АХБОРОТ ТЕХНОЛОГИЯЛАРИ ВА БАНК ХИЗМАТИ

тувор вазифалардан экани таъкидланди.

Ўзбекистонда ахборотлаштириш соҳасида яратилган қонунчилик базаси жамиятимизнинг барча жабҳалари қатори банк тизими-га ҳам компьютер ва ахборот технологияларини кенг жорий этиш имконини берди. Банк тизими-га замонавий ахборот технологияларининг жорий этилиши мижозларга банк хизматининг янги турларини кўрсатиш, хизматлар самардорлиги ва мижозларнинг банкка бўлган ишончини янада оширишга хизмат қилмоқда.

Мамлакатимиз банк тизимида мижозларга пул жўнатмаларининг электрон тўловлар тизимидан фойдаланган ҳолда қисқа вақт ичидан амалга ошириш имкони яратилган. Шунингдек, банк мижозларига мобил алоқа воситалари ва интернет тармоғи орқали интерактив хизматлар кўрсатиш йўлга қўйилган. Шу билан бирга, банклар томонидан статистик маълумотларни қайта ишлаш, электрон хужжат айланиши, хусусан, электрон рақамли имзо технологиялари қўлланиб келинмоқда.

Тадбирда АКТ асосида банк хизматининг янги турларини кенгайтириш, ахборот-коммуникация технологиялари соҳасига оид қонунчилик базасини янада такомиллаштириш, банк амалиётига илгор технологияларни фаоллик билан киритишга қаратилган норматив-ҳуқуқий ҳужжатларни такомиллаштириш, замонавий хизмат турларини кенгайтириш орқали банкларнинг инвестиция фаоллигини кучайтириш юзасидан атрофлича фикр юритилди.

Т.БОТИРБЕКОВ,
ЎЗА мухбири

ИЖОДИЙ ИЗЛАНИШГА УНДОВЧИ ТАНЛОВ

Ўзбекистон Миллий матбуот марказида журналистика соҳасидаги «Олтин қалам» V Миллий мукофоти учун халқаро танлов ташкилий қўмитасининг йиғилиши бўлиб ўтди.

Ўзбекистон Журналистлари ижодий уюшмаси раиси Шерзод Ғуломов юртимизда оммавий ахборот воситаларининг жамият ҳаётидаги фаоллигини ошириш ва амалдаги эркинлигини таъминлашга алоҳида эътибор қаратилаётганини таъкидлади. Журналистларнинг маҳоратини ошириш, уларда фаол фуқаролик позицияси ва юрт тақдирини дахлдорлик ҳиссини кучайтириш бу борадаги эзгу ишлар асосини ташкил этади. Ҳар йили ўтказилаётган «Олтин қалам» Миллий мукофоти учун халқаро танлов соҳанинг фаол, изланувчан ва фидойи ходимларини рағбатлантиришда катта омил бўлмоқда.

Тадбирда таъкидланганидек, мазкур танлов жорий йилда йигирма етти номинация бўйича ўтказилади. Танловда БМТ, ЮНЕСКО, Жаҳон банки сингари халқаро ташкилотлар ҳам ўзларининг мукофотлари билан қатнашади.

Танловга материалларни қабул қилиш жараёни якунланди.

Ғолиб ва совридорлар 3 май – Жаҳон матбуоти эркинлиги кuni эълон қилинади.

Н.УСМОНОВА,
ЎЗА мухбири

ҚИСКА САТРАРДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **«ИСТЕЪДОД»** жамғармаси масофали ўқитиш марказида «Ёшларда раҳбарлик маҳорати» махсус курсини тасомлаган бир гуруҳ ёшларга сертификатлар топширилди.

✓ **«ЁШЛИК»** талабалар шаҳарчасида бўлиб ўтган «Талаба ёшлар ўртасида ҳуқуқ-тарғибот ишларини такомиллаштириш» мавзусидаги тадбирда Тошкент Давлат техника университети талабалари, шаҳар ва Собир Раҳимов тумани прокураторлари ходимлари иштирок этди.

✓ **КЕЧА** Ўзбекистон Давлат консерваториясида Мирзо Улуғбек тумани халқ таълими бўлими ва ўқувчилар ижодиёт маркази ҳамкорлигида ташкиллашти-

рилган «Камалак — 2010. Миллий аъналар ва замонавийлик» мавзусидаги кўрик-танлов ҳамда «Тошкент ниҳоллари» фестивалининг шаҳар босқичи бўлиб ўтди.

ЖАҲОНДА

• Кеча Венгрияда биринчи тур парламент сайловлари бўлиб ўтди. Унда 52,77 фоиз овоз тўплаган Виктор Орбан етакчилигидаги Фидес ўнг консерватив партияси галаба қозонди. 19 фоиздан кўпроқ овоз олган амалдаги бошқарувчи социалистик партия иккинчи ўринда қолди. Сайловларнинг иккинчи турини 25 апрелда ўтказиш мўлжалланган. Унда парламентдаги қолган 121 та ўрин эгалари аниқланади.

• Кеча евроҳудуддаги мамлакатлар молия вазирлари Греция иқтисодиётини соғломлаштириш дастури юзасидан келишиб олдилар. Уч йилга мўлжалланган мазкур дастур бугун Еврокомиссия, Европа марказий банки ҳамда Халқаро валюта жамғармаси томонидан тасдиқланиши керак.

• Бағдодда бир гуруҳ қуролланган кимсалар ҳавфсизлик кучлари генерали ҳаётига суиқасд уюштиришди. Маълумотларга кўра, генерал Фадел Аббос Али ўз уйи олдида отиб ўлдирилган. Ҳозирча ушбу қабихлик ким томонидан амалга оширилганлиги номаълум.

• Қуролланган қароқчилар гуруҳи Кения қирғоқларида Туркиянинг «Ясин» номи люк кемасини қўлга туширди. Кемани ўғирлаш чоғида унинг бортида 25 нафар экипаж аъзолари бўлган.

• Япониянинг Central Japan Railway темир йўл компанияси бундан буён ўзи ишлаб чиқаратгани тезорар поездларни Хитойга сотмасликка қарор қилди. Бунинг сабаби хитойликларнинг йўловчиларнинг ҳавфсизлигига совуққонлик билан ёндашишидир.

• Грециянинг Кламбака шаҳри яқинидаги Теопетра ғоридан қадимий девор қолдиқлари топилди. Текширувдан сўнг маълум бўлишича, бу топилма инсон қўли билан яратилган энг қадимий девор ҳисобланади. У бундан тахминан 23 минг йил муқаддам бунёд этилган.

• Италияда спортнинг кёрлинг тури бўйича ўтказилган жаҳон чемпионатида Канада терма жамоаси ўттиз иккинчи марта зафар кучди.

